

南疆緙史

一函
十冊



釋史卹諡攷卷五

通諡 粵中諸臣

○忠烈

張同敞 總督各路兵馬兵部右侍郎兼翰林院侍

讀學士

江陵人大學士居正曾孫總督軍務每戰輒爲
諸將先桂林破與留守瞿式耜危坐待執諭之
降不從整衣冠就刃顏色不變死

傳列撫遺

揭重熙 總督江西兵部尚書兼右副都御史

臨川人事唐桂二王屢率兵攻撫州邵武不克

大兵襲執之送建寧不屈受戮

傳列勘本

李若星 吏部尚書

息縣人爲御史劾發魏忠賢客氏姦討貴州餘

孽有功桂王時召爲尚書武岡破自刎歿

傳闕

陳邦彥 兵科給事中

順德人起兵謀復廣州不克入清遠繕守比城

破被執不降戮歿

附見

張燿 貴州布政使

三原人爲聞喜令慈惠撫民孫可望攻貴州耀
至定番州率家衆乘城拒守城陷被執勸降不
屈被殺家屬十三人竝歿

傳列勸本

羅國瓚 巡按雲南御史

嘉定州人孫可望攻曲靖時按部其地嬰城拒
守城陷被執不屈攜至昆明自焚歿

均見撫遺

○忠節

吳炳 兵部右侍郎兼東閣大學士

宜興人桂王奔靖州扈從王子走城步未至遇

大兵執送衡州于湘山寺不食死

傅作霖 兵部尚書

武陵人監劉承胤軍至武岡城破被執不降死

妾鄭氏投水死

以上傳列撫遺

李乾德 經畧川湖雲貴河陝兵部尚書

西充人孫可望陷嘉定率家人及弟赴水死賊

破西充時其父明舉先被難死

范文光 巡撫川南右僉都御史

內江人與守嘉定城破賦詩仰藥死

詹天顏 巡撫川北右僉都御史

龍巖人石泉破被執不屈以上附見撫遺

曹大鎬 管理義勇營總兵

貴池人江西破招集散亡逞來廣信邵武間後

事敗被執傳附勘本

余應桂 兵部侍郎兼右僉都御史督師關中

都昌人爲御史有直聲巡按湖南捐贖鍰十萬

餘佐軍需後奪職家居久之起兵敗歿傳列勘本

米壽圖 巡撫貴州右僉都御史

宛平人唐王時擢黔撫後貴陽失奔沅州沅州

破歿之

附見撫遺

馬

乾 巡撫四川右副都御史

吳縣人初爲川東兵備僉事擊走獻賊將劉廷
舉復重慶固守 大兵下重慶戰歿

耿廷錄

巡撫四川右僉都御史

臨安河西人里居孫可望遣兵陷河西迺赴水

歿妻楊氏被執罵歿

龍之虬

巡撫柳慶右僉都御史

永新人辛卯柳州城被圍誓死以守及城陷不屈死妻朱氏亦殉之

洪育鼇 總督

晉江人 大兵定襄陽諭降不屈死以上傳闕

沐天波 黔國公黔寧王英十二世孫

定遠人從桂王入緬緬人欲刦之不屈受極刑

死其母陳氏妻焦氏先于沙定洲之亂同焚死

妾夏氏入緬自縊死 案天波入緬後以咒水

死受刑之說爲傳列撫遺

嚴起恒 文淵閣大學士吏部尙書

山陰人事桂王以阻孫可望王封爲所殺

吳貞毓 東閣大學士

宜興人事桂王以謀召李定國去孫可望之逼
遂爲所殺

楊畏知 東閣大學士兵部尙書

寶雞人事桂王劾賀九儀賊殺嚴起恒爲孫可
望所執以幘擊之被害

楊鼎和 兵部尙書

江安人以阻封議孫可望追殺之於崑崙關

周震監軍御史

全州人監全州軍城圍急諸將謀降不從被殺
張孝起巡撫高雷廉瓊四府右僉都御史

吳江人初授廉州推官舉兵謀恢復被獲妻妾
投水死後居龍門島大兵破島被執不食七

日死
以上傳列撫遺

郭之奇文淵閣大學士吏兵二部尚書

揭陽人明亡跋涉閩粵滇黔達來數萬里後聞

孫可望殺嚴起恒團聚鄉勇守樂民所爲陳奇策等聲援後被執至廣西省城不屈死

補傳

◎烈愍

麥而炫 監軍御史

高明人起兵復高明迎陳子壯及高明破被執至廣州不屈戮死

朱實蓮 戶部郎中攝高明縣事

南海人與麥而炫同起戰敗死

俱埶見撫遺陳傳

韓如璜 兵部職方司主事

傅羅人起兵與張家玉攻東莞戰敗歿

白常燦 清遠衛指揮

清遠人迎陳邦彥守城兵敗戰歿

俱埒見撫遺

霍子衡 太僕寺少卿

南海人初知袁州廉潔自持三子皆生員廣州

破時家居並召之歿節朝服北向拜又易緋袍

拜家廟先赴井歿妾莫氏殉之子應蘭偕嬭梁

女一繼之應荃應芷嬭徐嬭區又繼之一小婢

亦從之歿

陳象明 湖南道副使

東莞人徵餉廣西調土兵至梧州戰敗歿

焦璉 總督廣西軍務宣國公

山西人與留守瞿式耜同守桂林後移駐南寧
訓練兵士行至平樂陳邦傳說降不屈自刎歿

王興 虎賁將軍廣寧伯

漳州人 大兵平粵興堅守文村力盡闔室自

焚歿

以上俱傳列撫遺

那嵩 沅江土知府

沅江人嗣職循法守沅江 大兵至登樓自焚

闔家歿邵氏藏書甲於滇中至是盡焚

傳列勘本

侯偉時 吏部考功司主事

公安人從吳炳走城步被執不屈歿

蕭曠 總兵官管黎平叅將事

武昌人從何騰蛟用軍有功以戰歿

傳列撫遺

朱閔如 都督府右都督掛鎮西將軍印

臨桂人堅守平樂城破殺其妻子自刎歿

徐日舜 雲南叅將

西安人城破被擒說之降不屈矢貫舌端死

孟泰 全州守備

全州人守將出降仰藥死妻子皆自殺

均見

劉堯珍 鎮雄人 吳霖 歙縣人俱給事中

張載述 涇縣人 御史俱以阻封被孫可望所殺

張鐫 寧國人 徐極 江西人

林青陽 新寧人 俱給事中

周允吉 錢塘人 胡士瑞 進賢人

朱議泥 南昌人 俱御史

蔣乾昌

晉江人

李元開

善化人俱檢討

鄭允元

歙人都督

林鐘

湖廣人大理丞

趙賡禹

袁州人太僕少卿

朱東旦

四川人

蔡續

九江人

任斗墟

鄞

人俱部郎

易士佳

廬陵人主事

案以上爲密敕之獄本有輔臣吳貞毓內臣

全爲國張福祿其十八人皆被孫可望所殺

俱均見撫遺

李如月

山東道御史

東莞人劾孫可望不臣被殺

傳列撫遺

冷陽春 晉寧知州

石阡人孫寇遣衆陷晉寧拒戰死

徐道興 師宗知州

睢州人廉潔愛民孫寇陷曲靖脅之奉迎以杯

擊賊首罵不絕口死

俱傳列勦本

胡恒 分巡上川南道僉事

竟陵人孫寇陷邛州被執辱罵死之妻氏樊子

之驊投端公河死